

# ELIYA A CIPAIZYO CA BUSU



Oh, sa obo tabuli bwini! “Mwami, Nda tambula.” Tambula nzi? Cisyomezyo coonse eco Nca kapa, nci cangu.

<sup>2</sup> Lino, katutaninga kukkala, atu kotamike mitwe yesu aniini buyo kutegwa Ndi talubi ku kombela tutambala otu awa.

<sup>3</sup> Mwami wesu, tuli lumbide kuli Nduwe sunumasiku ku nyimbo zya Zioni, ku Makanimabotu aa cianza cakaindi asalazya myoyo yesu kuzwa ku bubu, alimwi, ku, zisyomezyo zya luzyalalo maningi mu Bbaibbele kuteti nzi zyesu. Ku lusyomo tula zitambula. Alimwi tu lizi kuti Leza talilemeki ciwa ca muntu. Elyo mu nzyalani eyo Paulo nja kaponi mo, bantu. . . banji loko bakali kuciswa. Ba kaleta kuli nguwe tutambala, tusila, kutegwa ka tubikka aa mubili wakwe, elyo mpawo kugwisya kuzwa ku mubili wakwe kuya ku balwazi a bapengede. Elyo Magwalo ala twaambila kuti myuuya mibi yazwa mu bantu nkabela kupenzegwa kwa kabasiya nkaambo ka lusyomo lwabo mu Mwami Jesu. Leza, Paulo wakaunka kutandila myaka ili zyuulu zyoobilo, mu Busyu Bwako. Eyo nzyalani yakainda a nguwe, pele Nduwe Leza wa nzyalani zyoonse. Lino bantu, sunumasiku, ba Ku syoma alimwi tuli muku Ku tuulila, sunumasiku, tutambala a tuputu otu tuniini twa zintu, a kusyoma amoyo wesu oonse kuti Uyo ingula mupailo wesu nkabela bayo ponesege. Ko cipa, Mwami. Twa tutuma kuli mbabo nkambo ka bulemu bwa Leza, mu Zina Iya Jesu, Mwana Wakwe. Amen.

<sup>4</sup> Inga mwakkala. Elyo abo babikka otu atala inga mwaboola kutubwezaa ndyoonya buyo kwamana kujala oku kwa kuswaangana.

<sup>5</sup> Ndili kkomene kapati sunumasiku. Ndali kubusena kutala Iya mulundu okuya sunu Mbwe manina buyo miswaangano ya kubuzanyanya Nje jisi, elyo ndainka kuyo paila. Elyo ciindi coonse Nda sika mu zuba eli Iya lukula kubaanga kundibamba kuyanda kujoka kunji. Pele cintu comwe eco Nce kkomene sunumasiku, mukaintu wangu. . . mbuli kunji mbo twa kali antoomwe, alimwi waa kabona zilengaano zipati zya Leza kazitondezegwa a kuboola kucitika. Waa kali kunselelo ku mulonga buzuba obo ku Jeffersonville cindi Angelo wa Mwami naka bamba kulibonya Kwakwe kutaanzi, cakalembwa aa Association Press koonse ku cisi. Ca kali. . . ca kali 1933. Waa kaliimvwi alya, pele waa kamvwa Jwi pele taka bona Mumuni. Awo, abalo basikufotola ba mitende baka ubona Mumuni. Pele waa kali mukubusyi uukubwene kaindi ako, alimwi kutandila myaka iili kkumi ayobile yakukomena, elyo tana ubona Mumuni. Waa kali kulangilila bantu, banji bakali wizuka. Elyo wa kakkala buyo okuya kutandila miniti alimwi mpawo waka joka

kugama mu milengalenga alubo. Elyo mitende yakabikka caano cipati, “Mumuni wamaseseke aabukombi walibonya atala—atala lya mukambausi wa Baptisti wamubusena kuciindi kabbizya.” Kaunka lweendo lonse mu Canada, ku mitende yaku Canada.

<sup>6</sup> Elyo mpawo kutandila myaka yotatwe na yone yakainda, cindi Ne kali mu Phoenix kwainda, Nda syoma wakali Mukwesu Jack Moore wakali a ndime, kuti wa bee . . . Mukaintu wangu ulabunyonganye maningi. Elyo aboobo wa kamwiita ku cibumbili, cakutalangiwa, elyo waa kayanda kuwizuka. Elyo waa kaboola Ne kamana kale kusika aa cibumbili, a bunanike bwakaliko alya bwa mulimo wakuponya. Elyo, waa kati, ciindi citaanzi nakasola kuba mu Busyu obo okuya mbuli boobo. Elyo, busiku bwazona, waa ka Mu bona aa cibumbili, ku ciindi citaanzi nakasola Mu bona, cindi Na kali waano nkeimvwi aa cibumbili. Elyo cindi Ne kamuswaana anze waa . . . misozi yakali mu meso akwe, elyo waa kati, “Billy, ku ciindi citaanzi mu buumi bwangu, Nda Mu bona.” Waa kati, “Nda . . . wali kukombela mwanakazi, alimwi” kati “Nda Mu bona nkoonya kumbele lyakwe a kaimvwi awo kwa kaindi kasyoonto, kweendeenda koonse oko nkobede. Elyo mpawo, mbo kalekela kwaambaula, Ca kaunka.” Aboobo Ndili kkomene kuli ceeco, kuti Wa kaboola kumbele lya meso akwe. Mwabona, oyo mulindu muniini ujisi zinji zya kwiinda mo, elyo aboobo Ndili kkomene a kubotelwa nkambo ka ncico.

<sup>7</sup> Lino, juunza masiku nkuswaangana kwa kuponesegwa. Nywebo mulizi, twa kali kwaamba mvwiki eyi kuti miswaangano ya kuponesegwa iyo boola Bwasanu masiku. Lino, boola juunza masikati na—na cakufwambaana ku mangolezya, kutandila sikisi okuloko, kutegwa muta kanyongani kuswaangana kumwi. Elyo Billy, Leo, Gene a bamwi, banooli kokuno antoomwe a makkaadi aa mipailo, ku kupa makkaadi amipailo. Nce cindi notuleta bantu aa cibumbili a kuba kombela. Lino tuli . . . Ndili . . . Nde elede kucita miswaangano ya America mu nzila bantu njoba kayiisigwa, kubikka maanza. Lino, olo—olo Ndugwalo, pele ako nkansiyansiya ka Cijuda. Ako takali ka Bamasi, pele Bamasi bala kazwidilizya. I Bamasi bakali, “Ta ndeeleli kuti Yebo uboole kungsi lya ciluli cangu, koamba buyo Ijwi nkabela mulanda wangu uyo pona.” Mbo mbubo. Pele mu Juda, “Boola bikka maanza Ako aa mwana wangu musimbi nkabela uyo pona.” Mwabona, ako kakali kansiyansiya kabo, tii kakali ka Bamasi.

<sup>8</sup> Busiku a busiku, a oora a oora, isikati a masiku, Muuya Uusalala ulasika, kuyubununwa, kwiinda mu buyake, kukanana maseseke aa myoyo. Mula kubona ciindi coonse. Oko nku muzibya kuti Busyu bwa Mwami buli waano. Lino, ikuti na mwa Bu tambula buyo, inga mwaponesegega mpoonya awo. Nkaambo koonse kuponesegwa oko kwakasola ku citilwa ndinywe,

kwakamana kale, ya myaka ili cuulu amyaanda ili fuka. Loonse lufutuko olo ndo muyo sola kutambula, lwa kabbadelwa kale, ndu lwanu buyo ku lutambula. Ya kali myaka ili cuulu amyaanda ili fuka, na kwiindilila, kuzwa nilwakaba lufutuko kuli ndinywe. Pele lino mula ndilangisya mu miswaangano, Nda amba, “Sa ciyo mubamba kusyoma?” Mwabona, zitondezyo a zigambyo tazili zya kuponya na lufutuko, pele nzya kulekela bantu kuziba a kumvwisya kuti Busyu bwa Leza buli waano. Mpawo Wa . . . ikuti na Wa . . . Obo mbo cinga caba, maleele manji. Lino twa talika buyo kubona maleele.

<sup>9</sup> Lino cindi caboola ku muntu, kwakali basyoonto babo bazwa ku zibwezele a mawhiluceya a zintu, a kuzwa. Ayo taali maleele eni. Peepe. Mwabona, ayalo Christian Sayaansi ijisi eco. Inga caba i—i—i ciimo cakuyeeya kuti inga waba . . . kucinca nzila yako ya kuyeeya. Lino, ta tusyomi kuti mbo cakabede, nkaambo Nda syoma lwakali lusyomo. Pele nekubaboobo . . .

<sup>10</sup> Nda kali ku La Salle, Lorraine, France. Nda kali ku Paris. Elyo Nda kaselemukila ku busena oko nkoba kajisi mwanakazi wakafwide kalede omuya, waa kali zikkidwe. Elyo baka kumba mwaala alya, a bantu baka njila omuya abalema, azyeenzyo, a ku babikka ansi, nkabela kweenda kuzwa, kukumba oyo mwaala atala lya mwanakazi oyo wakafwide. Mwabona, uli fwide, alimwi ta kakonzya cita buyo kukombelezeya . . . Kuli biyo sikwiiminina omwe akati ka Leza a muntu, nkabela oyo ngu Kristo Jesu. Kazwa mu mukwasyi wa Katolika, Ndi—Ndi lizi kuti basyoma mu—mu bantu abo bafwa, kuti eyo nje myuuya yabo ibakombelezeya; bantu bandeene, bamwi ku tunzenyu a bamwi ku zintu zimbi. Kuli ndime, mbuzumini bwa mizimu. Ta ndi cisi kulimvwa kwanu, Nda syoma, pele Nde elede kusyomeka. Mwabona, kufumbwa eco cikombelezeya a bafu mbuzumini bwa mizimu.

Baka ndibuzya eco mu Mexico, a kuti, “Ino kujatikizya Jesu?”

<sup>11</sup> Nda kati, “Ta fwide pe. Wa kabuka alubo, Ula pona kwalyonse.” Mwabona? Ta fwide, Ula pona. I bamwi babo baka indilila, kwalo, Lugwalo lwaamba kuti “Abo bali kokuya taba konzyi kuboola okuno, a baaba bali okuno taba konzyi kuunka okuya.” Taakwe muntu wakasola kulanduka na uyo sola. Aboobo eco cila cibamba ikuti i . . . Jesu wakaamba boobo.

<sup>12</sup> Pele tu jana zintu ezi kazibeleka. Aboobo lino alimwi busiku abumwi Muuya Uusalala uli mukusola ku muleta ku Busyu bwa Buntu Bwakwe buli waano, kutali busyu bwa muntu. Ii muntu ukonzya buyo kulibombya mwini, kwiinda ku cipego ula konzya kulipa mwini mu cilao cimwi ca Muuya oyo uukonzya kujula Leza kuli nduwe. Pele ta cikabeleki kusikila mwa cisyoma omwini a ku cizumina, elyo mpawo cila beleka. Mwabona, ikuti

noka kkala alya nkabela umwi aumwi wanu—umwi aumwi wanu kaunduluzya, kuta syomi Ijwi lya Ndilyo, inga tii cabeleka.

<sup>13</sup> Jesu, cindi Na kaunka ku nkamu Yakwe mwini, cisi Cakwe cini, milimo minji yanguzu Ta kakonzya kucita nkaambo ka kutasyoma kwabo. Elyo ikuti na Ta kakonzya kucicita kaindi, Ta konzyi kucicita lino, nkaambo ka kutasyoma. Mwabona, lwalo ndusyomo lwanu.

<sup>14</sup> Aboobo citola nduwe a Ndime, antoomwe a Muuya Uusalala, kuleta zintu ezi kucitika; ku ndilekela kutangala, ku mulekela kutangala, kuti Leza uli waano oyo ubamba Ijwi Lyakwe.

<sup>15</sup> Pele cindi Muuya Uusalala wakonzya kunjila mu muswaangano, kuzulizya mbubonya ku Lugwalo eco Nca kaamba kuti ciyo citika mu mazuba aakumamanino, a kuunka okuya ku bbunga mbuli Mbwa kacita cindi Na kali waano, a kutweluka maseseke ngaonya aa myoyo, a miyeeyo a makanze amoyo a mizeezo, mbobuti umwi mbwakonzya kuzumbauzya? Mwabona, ngaayo maleele alondokede, maleele mapati kwiinda kweenda kwa basunkuta, nkaambo ta cikonzeki kuli ceeco kucitika kakutakwe nguzu zya kumuuya. Zyelede kuba nguzu zya kumuuya kucita ceeco. Aboobo, elyo mpawo mula cibona mbubonya buyo eco Bbaibbele ncolya kasyomezya a ceeco nco bab-...eco nco tusyoma. Nkwa maleele kapati kwiinda koongolola. Mwabona, nkwa maleele kapati kwiinda kukanana mu myaambo. Paulo wakaamba boobo. Azyalo zipego zya Muuya Uusalala zini zya kwaambaula mu myaambo, nkwa maleele kapati kwiinda ezyo. Tuli ku maleele amamanino. Ca kaambwa kaindi ku Bbaibbele.

<sup>16</sup> Aboobo, sunumasiku, toelede kulindila mane juunza masiku kuboola mu mundando kuti ubikkwe maanza. Lino, kubikka maanza ali nduwe taku kaciti cita buyo kutweluka kwa miyeeyo ya moyo; kutali kunji, kuli ndime. Mpawo inga wa kutambula buyo, jatilila kuli nkuko, nku kwako. Elyo ko cisyoma a moyo wako oonse.

<sup>17</sup> Pele juunza masiku, ikuti na mwa . . . I Lugwalo lulaamba, “Kamuya mu inyika yoonse, muka kambauke makanimabotu ku zilenge zyoonse; ezi zitondezyo ziyo batobela abo basyoma.” Zitondezyo zyoonse; elyo mpawo, ku mamanino, Wa kati, “Ikuti na babikka maanza abo aa balwazi, bayo pona.” Obo mbwini. “Abo balo . . .” I . . . Kuti ziyo tobela basyomi. Yaa. Lino, tuli—tuli basyomi, aboobo, nzila eyo, tu jisi busiku a busiku bwa kubikka maanza aa balwazi, alimwi Leza waka beleka maleele mapati a mbabo. Twa kajisi maleele mapati a kukombela tutambala. Twa kajisi maleele mapati a kutweluka kwa miyeeyo ya moyo. Mwabona, zyoonse zyaco antoomwe, zibeleka ku bulemu bwa Leza. Tacili ca muntu, tacili ca mbungano, nca bulemu bwa Leza. Bulemu bwa Leza!

18 Lino, katutana kujula Ijwi lino lya busiku. . . Oh, tula konzya kuvununa kusule mapegi mbuli *obu*, pele Leza weelede ku Li jula; nkaambo Lugwalo talukwe bupanduluzi bwa muntu, pele Muuya Uusalala oyo wakalemba Lugwalo ngu Sikupandulula lwa ndulo. Aboobo atu kotamike mitwe yesu lino kuciindi notu komba. Elyo mbangaye bayanda kwiibalukwa mu mupailo, sa inga mwacizibya kwinda ku kutambika maanza, kufumbwa na ncinzi? O Leza, langa. Toonse tuli bulide, embo na? Ndili bulide, ambebo, beenzuma. Nda tambika maanza angu.

19 Taata Wakujuu, cabubombe a cabutontozi cakubatama twa njila mu Busyu Bwako bupati bwabulemu, mukuziba, cintu eco comwe kacitana citika, Uli waano nkaambo Wa kasyomezya kuba. Yebo wakati, kakutanaba kuunka Kwako, “Kufumbwa oko bobilo na botatwe nkoba bungene mu Zina Lyangu, oko Nkwe yooba akati kabo. Elyo ikuti na bayo zuminana aa cintu cili coonse cimwi, mbuli kuguma cintu comwe, kulomba, bayo tambula.” Mwami, kuleta cisyomezyo Cako kuli ceci, kuulwa kwa Bulowa Bwako, Nda lomba kuti mwaalumi aumwi, mwanakazi, na mwana, abo batambika maanza abo sunumasiku, Uli zyi myoyo yabo, akube kuti batambule eco ncoba lomba. Ko cipa, Mwami.

20 Tuli bantu babulide. Twe enda mu inyika ya mudima, a sinkondo Wako mupati, kuti, tii twa kali kukonzya kulwana a nguwe nokuceya ikuti na tii wakali Muuya Uusalala Wako. Nkikaako tula syoma, kusyoma, a kucitaula mu lusyomo, kuti Uyo unka kumbele lyesu a kubamba nzila kulibonya kabotu. Zilindi zinji loko zyakuwida zili mu mugwagwa, zibikkedwe ku matende esu akatede, pele tu sola kutobela mano aazwide Malowa Aakwe oyo wakazunda lufu, gehena, a cuumbwe.

21 Ko tusololela, sunu masiku, kwiinda ku Muuya Uusalala Wako, Mwami, ku Majwi ayo ayelede kwaambwa, mpawo kosololela Majwi ku moyo ubulide Nduwe. Mpawo, Mwami, akube ku mamanino aa muswaangano, elyo notu talika kuya ku maanda esu andeene, akube kuti tu konzye kwaamba alubo, mbuli baabo bakazwa ku Emau, “Sena myoyo yesu tiyapya mukati kesu mbuli Mbwa ali kwaambaula kuli ndiswe mu nzila?” Nkambo twa cilomba mu Zina lya Jesu, alimwi ku kaambo Kakwe. Amen.

22 Kuli ndinywe nomu lemba Magwalo, amujule andime lino ku bbuku lya Bami Bataanzi. Ndi yanda kubala cibeela kuzwa ku kampango ka 17. . . cipati 17, mubwini, alimwi Ndila talikila aa kampango ka 14. Amubale kampango ka 14, ka 15 a 16 ka cipati 17 ca Bami Bataanzi:

*Nkaambo mbu boobu mbwaamba MWAMI Leza wa Israyeli, Cinkuli ca busu taciko yoomana, a yalo insazi ya mafuta tii kayuminini, kusikila buzuba. . . MWAMI nayo tuma mvula aa nyika.*

*Elyo waa kaunka a kucita kweendelana ku kwaamba kwa Eliya: elyo walo, a nguwe, abe ng'anda yakwe, bakalya kwa mazuba manji.*

*Alimwi i cinkuli ca busu tii cakamana, a nsazi ya mafuta tikwe ni yaka yuminina, kweendelana ku ijwi lya MWAMI, eelyo ndya kaamba kwiinda kuli Eliya.*

<sup>23</sup> Kweelede kuti kwakali kutandila kuba isikati cindi na kasinsimunwa. Waa kanyona mutwe wakwe ukatede a pilo cindi nakamvwa koomoka, kulila kuniini ku kaanda. Elyo ta kali kukonzya koono busiku boonse, waa kali kutontaikwa konse nkaambo ka kucitika oku kwa kuusa kapati. I mulombe muniini waka sinsimunwa alubo, muku taoona maminiti ataindi ku makumi obilo na makumi otatwe, elyo Nda konzya kumvwa jwi lyakwe liniini kaliti, “Baama, sa inga toinka anze a kulanga mu pantri alubo a kubona ikuti na taakwe kabeela komwe buyo kaniini ka cinkwa? Ndili anzala loko! Nse konzyi buyo koono.”

<sup>24</sup> Alimwi mbwa kalangila mu busyu bwakwe buniini a i . . . masaya akwe maniini akabbookela, alimwi meso akwe maniini akaba yelo, masusu akwe kalengelela ansi kuzwa ku kukakilwa kwaagela, shaati lyakwe liniini lya masiku ligalankene; misozi mipati kuzwa ku meso akwe yaka wida a busyu bwakwe buniini, mbuli mbwa kamubuwa ku masaya akuti, “Oyandwa, kusola kuya ku koono, a kumvwisya.”

<sup>25</sup> Kwakali myaka yotatwe kakunyina mvula aa nyika. Waa kafugama aa cibuye, Nda konzya kumubona mbuli mbwa kalilila Leza, waa kati, “O Mwami Leza, Jehova, Nduwe Leza wa matata esu, Oyo wakasanina bana Bako a kubabamba mu myaka. Elyo Nda kasola kupona cakusyomeka a kululama kuli Nduwe, elyo lino Ndili waano mukubona mulombe wangu muniini kalilila cintucimwi cakulya, nkabela taakwe cintu caku mupa. Kwa mvwiki zinji lino twa kalipa tobeni ku busena bwa cakulya comwe mu mazuba otatwe na one, elyo eno cili manide cita biyo nkanka maanza niini ya busu a mafuta akkwana muli conco. Elyo Ndi sola ku zijatilila kusika kukupasuka kwazuba, kutegwa tutafwi kuciindi ca masiku. Ncinzi Nce kacita, O Leza? Mebo, omusimbi wako mubelesi, wa kapona cabwini. Mulumi wangu waka nyonyooka mu nkondo, nkondo ya Mwami, alimwi Nda kali mukamufu kwa myaka iikubwene eno, alimwi Nda sola kupona kabotu a kubamba Milao Yako. Elyo ikuti na nciindi cangu ca kuunka, Nda zumina; pele mulombe wangu muniini, ci zapaula buyo moyo wangu ku kumumvwa kulombelela cintucimwi cakulya, kakutakwe cintu caku mupa.”

<sup>26</sup> Cindi naka manizya kukomba, waa kabuka. Wa kajokela koono kwa kaindi kaniini. Elyo wa katambika maboko akwe, a cikobela camasiku cigalankene nca kasamide cakali kutandila kuzakala. Ula unka ku mpulungwido a kusondela, alimwi

kutandila buyo kupasuka kwa buzuba. Oh, bwakali kupya maningi!

<sup>27</sup> I myuuwo iipya ya lubeta yakali kuunga aa cisi eco cakaluba Leza. Eco cakali kuciindi ca bulelo bwa Ahabu, mwaami wa Israyeli mubyaabi loko. Elyo wa kakwete sizibi, Jezebele, oyo wakali simituni. Elyo mucado uusangene mbuli oyo kwiina nouzwidilila, ta ukonzyi kuba buyo, nanka mwanakazi uyo boola ku nzila ya mwaalumi na mwaalumi uyo unka ku nzila ya mwanakazi. Elyo waa kali mwanakazi muniini wakali kweelelezya loko, a Ahabu, musyobo buyo wa musyomi wakali kukasaala, wa keendelezegwa ku mizeezo yakwe a kwaamba, “Oh, ee, bukombi tabuli cintu kuli ndime, Ndili mwaami.” Elyo kucindi eco cilamfu baka mwailide ansi zipaililo zya Leza akuyaka zipaililo zya Baalimu, na Baala, mubwini. Elyo koompolola kwakali maningi kulwisya bukombi bwaksimpe kusikila bakutausi bakali kungsi lya kusyanikizigwa baka lekela nzila.

<sup>28</sup> Ciindi cimwi cainda Nda kaamba kujatikizya bakutausi, na cintucimwi cimbi mu buzuba obuno, alimwi nkamu yaka ndiswaana a kwaamba, “Mukwesu Branham, imbunga zyesu zila tulimba nconzyo!” Eco nce cicileta, mbunga uyo yeenda kuzwa na mukutausi taba botezyi.

<sup>29</sup> Elyo kwaciindi cilamfu bakutausi bakawida kungsi lya koongelezya kwa mwaami kaambo cibi caka zumizigwa, kwakanyina maglelalo. Nci fwanikisyo cibotu loko ca sunu nkaambo, cisi cakalekelede zintu ezi, bantu bakali kuyanda kuba basimpuwo. Ba kayeeya, “Kufumbwa kuti cisi ca kaamba boobo, cakali kabotu.” Eyo nje nzila njoba amba sunu, “Kufumbwa kuti cisi ka caamba kuti cili kabotu kusambala bukoko, mpawo cili kabotu ku bunywa. Ikuti na cisi cazumizya banakazi besu kusama madresi cakutamaninina mu tugwagwa, elyo mulao tauka baaangi, baa, cili kabotu ku cicita.” Eco inga kacili kabotu ku cisi, pele mu mabbuku mapati aa Leza ulaa mulimo alimwi uyo elela kupeda bwiinguzi kumbele lya Leza. Pele bakali wide, bakacita kupa mweenya ku mukuli.

<sup>30</sup> Elyo cisi cakali kuya buzwidilila, alimwi ba kayeeya kuti kuzwidilila cakali citondezyo cakuti Leza wakali a mbabo. Obo tabuli bwini bumaninide. Leza wasika kuli ndinywe . . .

<sup>31</sup> Nkaako kaambyo kakaindi, kaambyo kaubaula Leza, ako kaamba kuti “Leza ulagwasya abo bali gwasya.” Oko nkuubausya Leza! Leza ugwasya abo batakonzyi kuli gwasya beni. Ngu Leza wa baabo bayanda luse. Alimwi Ngu Leza siluse. Elyo ako kaambyo kaamba kuti “Walo ugwasya abo bali gwasya,” ikuti na ula konzya kuligwasya omwini, to yandikani lugwasyo Lwakwe. Pele Walo ugwasya abo batakonzyi kuligwasya beni.

<sup>32</sup> Pele cisi cakayeeya, kufumbwa kuti bakali kulya kabotu a kusama kabotu, kuti zintuzyonse zyakali nooba kabotu.

<sup>33</sup> Pele kwakali umwi wakacili wa cianza cakaindi, oyo wakasyoma kuti kwakali Leza oyo wakali cianza cakaindi, kasyoma kuti kwakali Leza waka bamba Ijwi Lyakwe, kasyoma kuti Leza wa Abrahamu, Izaka a Jakobo, wakali kusalala a kuyanda kulipa kumaninide ku busalali Bwakwe. Pele Jezebele ankamu yakwe ya busyaasunu baka musulaika. Wa kali mweembeli wabo, pele teeba kacisyoma. Aboobo, wa kacita kuyuba buumi bwakwe.

<sup>34</sup> Elyo Leza waka mutuma atala lya mulundu, a kuti... kamupa mulumbe, a kwaamba, "Koya kunselelo a kuyo ambila mwaami oyo mudaala mubyaabi, 'MBUBOBU MBWAAMBA I MWAMI.' Tai kawi pe, na nouba mume kuyo loka, kusikila uka wiitile." Kuupa mu mulomo wa Elisha kwiitila mvula kakuli cakali ciindi ca njiyo; pele wa kajisi zijaluzyo zyaku julu, wa kali kukonzya kuli jala na kuli jula. Elyo Wa kati, "Ndi yanda kuti uzwe mu nkanda...ya ceeci...mu nkanda, mubwini, kuzwa mu lupyopyongano olu. Amuzwe akati kabo. Wa ba kambaukila nkabela taba kakuswiilili, nkabela baya zumanana kubija. Kuzumanana kuya kutala mu nkanda, elyo mpaawo kwa kakkala kumbali lya kalonga, ka Keriti, elyo Njo...kalaililide kale bacikwaangala ku mubamba." Oh, ikuti na bantu taba, Leza uli jisi bacikwaangala abo bakonzya kucicita!

<sup>35</sup> Johane wakati, "Leza ulakonzya ku mabwe aya kubusya bana kuli Abrahamu."

<sup>36</sup> Jesu wakati, "Ikuti na baumuna, mabwe ayo ompolola mpoonya buyo."

<sup>37</sup> Leza inga wacita eco Nca yanda. Wa kati, "Nda lailila bacikwaangala, nkabela bayo kusanina." Elyo baka muleta nyama a cinkwa.

<sup>38</sup> Muntu umwi wakati ciindi cimwi, "Nkokuli nko baka zijana, Mukwesu Branham?"

<sup>39</sup> Nda kati, "Ta ndizi. I cintu buyo Nce zyi, baka zileta. Ba kazijana kuzwa ku busena mbubonya obo Jesu mbwa kacita cindi Na kabweza nswi zyoanwe a...na mabbisiketi osanwe a nswi zzybilo, a kusanina zyuulu zyoanwe. Zya kazwa ka janza ndilyonya lya Leza Singuzuyonse." Ba kamuleta nswi a cinkwa, bacikwaangala, kakkala ansi a kuzitambika kuli Elisha, elyo wa kazilya, aku kuselemuka a kunywa kuzwa ku kasensa. Leza wakali kupumuzya musinsimi Wakwe.

<sup>40</sup> Oh, Ndili kkomene kapatu kuti Leza uli jisi nzila yaku lobokela! Elyo cindi niba kayeeya kuti wakali nyongene, "Oyo musinsimi mudaala, mudaala ujaya lutangalo," lyoonse kusola kugwisya lutangalo kuzwa ku mapobwe abo maniini ngo bakali kuba limwi, ku baambila kuti cakali cibi. Elyo Leza...walo katobela kutumwa kwa Leza, kainka kutala mu malundu a



kukkala aa busena busumpukide, busena bwaata jisi meenda maningi mu cisi. Pele Leza waka bamba kalonga kukunka meenda. Alimwi bakali kunselelo okuya kabaluma milaka yabo nkambo ka maanzi.

<sup>41</sup> Nywebo mulizi, Leza uli jisi nzila ya kwiingula mupailo. Oyu mwanakazi muubauba waka pona cakusyomeka. Taa kakwatululwa, waa kali kukkala alikke kuyo swaana mulumi wakwe mu bulemu. Waa kali mwanakazi wabulemu. Elyo kwa mvwiki cinkuli cakali kuya buselemuka, buselemuka, elyo walo kazumanana kukomba, nekuba kwaka libonya mbuli kuti kwakanyina bulangizi mu kubonekela ali oonse.

<sup>42</sup> Nywebo mulizi, awo inga twa jana ciiyo kuzwa kuli eco. Kuti, ikuti na wa komba a ku kkwanisya ziyandika zyoonse ezyo Leza nzyayanda nduwe ku kkwanisya, alimwi nekubaboobo Walo uli zii, Ta ambi cintu cili coonse, elyo nekubaboobo wa kkwanisya ziyandika, eno, ncinzi cicitika mpawo? Ikuti na ulizi kuti wa kkwanisya ziyandika Zyakwe alimwi yebo wa cita koonse oko nkoziba kucita, mpawo lusyomo talu yuuntani, lukkala buyo zii a kuyeeya kasimpe. Lusyoma lubweza matomeno alo ateeli ku Mwaala wa Makkalo, nkabela talu zungaani.

<sup>43</sup> Oyo mulombwana mupati uutegwa “lusyomo”! Nda kaamba kanji, “Lusyomo lujisi masusu aa kaango.” Cindi lwa kanana, zintuzyonse zimbi zilaumuna. Cindi lusyomo lwaamba kuti, “Amuumune!” mpawo zintuzyonse zilaleka, nkaambo ngu simalela.

<sup>44</sup> Elyo waa kakkwanisya ziyandika zyonse. Waa kapona cakusalala, waa kapona cakululama, waa kapona cabbulemu, elyo waa kkwanisya ziyandika zyoonse zya Leza. Pele, kaboneka mbuli kuti Wa kali uumwine. Leza ulacita eco ciindicimwi ku kusoleka, kubona musyobo wa kuvwiila nkoya kuba ako. Muta cilubi!

<sup>45</sup> Ikuti na wainda aa cibumbili, wa paililwa, a maanza abikkwa ali nduwe, nkabela kuboneka kuti taakwe cintu cicitika, eco tacilesyi lusyomo nokuceya, yebo wa kkwanisya ziyandika zya Leza. Lino, ikuti yebo wa ba swaana! Lino, ikuti na ula sisa kuli Leza, ulizi moyo wako ukupa mulandu. . . Elyo tu lizi, “Ikuti na moyo wesu tau tupi mulandu, nkokuti tuli jisi.” Lino, pele ikuti na moyo wesu utupa mulandu, kunyina kaambo ka kuboolela aa cibumbili, taku yandikani kulomba Leza ku cintu cili coonse, nkaambo to jisi lusyomo lwa ku citambula. Pele cindi wa kkwanisya ziyandika zyoonse Leza nzya yanda, mpawo lusyomo lula yutuka abusena awo, a kwaamba, “Leza ngu Leza! Nda kkwanisya ziyandika.”

<sup>46</sup> I Lugwalo lulati, “Abo balindila aa Mwami bayo bukulusya nguzu zyabo, bayo tanta amababa mbuli sikwaze, bayo zuza a kuta katala, kweenda a kuta wizuka.” Mbuli lwiimbo mbo lwaamba, “Kondi yiisia, Mwami! Oh, kondi yiisia, Mwami,

nzila ya kulindila.” Bamba buntu bwangu kusanzigwa mu Bulowa bwa Kalivari, kukkwanya ceelelo coonse, kuumpa zizabukilo zyoonse, a kwaamba, “Lino, Mwami, taakwe cintu mu maboko angu Nce leta, citabuyo ku Ciingano Cako Nda jatilila. Wa kacisyomezya, Mwami.” Oyo ngo musyobo wa ciimo, i kaambo bantu nco bayeeya kuti Ndime sikubaolikke. Pele mu kaanda, na okuya ku lubazu lwa lukula, eco nce ciimo ncoelede kunjila kotana kweenda mu cikambaukilo eci awa. Nkaambo, Saatani lyoonse ula losya kubiba kuniini kusola kunyonganya cintucimwi. Elyo weelede kujatilila ncobeni aa Ciingano, kutali kusyoma kukonzya kwako omwini, miyeeyo yanu ini, kuyaama buyo ku Kuboko kuteeli. Kutataminina bupampu, kutataminina mizeezo yako, yebo uli jula buyo omwini akulekela Muuya Uusalala kukanana. Eco nce ciimo Leza nca yanda Mbungano Yakwe kuba. Amu njile mu ciimo eco.

<sup>47</sup> Leza ula kusoleka. Oonse mwana uboola kuli Leza weelede kusanguna kusolekwa, kukomwa, kubona ikuti na wazunda kukomwa. Ikuti na twe enda kumbele a kwaamba, “Ndila syoma kuti Jesu Kristo Mwana wa Leza, kuti Wa kafwida zibi zyangu a kubuka alubo buzuba bwatatu. Wa kayaswa nkambo ka nsotoko zyangu, kacuzaulwa nkambo ka milandu yangu. I kukomwa kwa lumuno lwangu lwakali aali Nguwe, alimwi ku mibunda Yakwe Nda ponesegwa.” Cindi waamba obo, a kulyaambilila...zibi zyako zyoonse a milandu yako, a kukonzya kwako a zyoonse nzo jisi, kkala ku cipaililo. Mpawo, alya, kaatakwe cintu mu maboko ako, Saatani uyo waala mumvwi onse kuli nduwe na wakonzya. Pele mpawo ikuti na waleya kuzwa awo a kwaamba, “Ee, ndiza Nse kafutulwa, ndiza Nse kaponesegwa,” mpawo kofutata kuli Ceeco, Bbaibbele lyakati muli “bana bamusokwe, a kutali bana ba Leza.”

<sup>48</sup> Leza ulasoleka mwana oonse wa Abrahamu mbuli Mbwa kacita Abrahamu, nkambo tuli lunyungu lwa Abrahamu. Kwiinda ku kufwa muli Kristo, tuli lunyungu lwa Abrahamu alimwi tuli baswaana kweendelena ku cisyomezyo. Lunyungu lwa Abrahamu, oyo muuya Abrahamu ngwa kajisi. Wa kapegwa cisyomezyo. Elyo ikuti na taata wesu waka syoma Leza a kubweza cisyomezyo, kutakonzeka, a kujatilila kuli ncico kwa myaka ili makumi obilo ayosanwe kacitana sola kuyubululwa, kuya buyuba maningi ciindi coonse, lunyungu lwakwe mbubonya mbuli wisi. Takukwe makani eco cicitika, cindi twa kombelwa, ca bambwa! Cindi twa gwisya zintuzyonse mu nzila, kuzulizya ziyandika zyoonse, gwisya zintuzyonse mu nzila, mpawo lombwa Leza, a kwiima awo kuziba kuti uyo citambula.

<sup>49</sup> Leza waka sunka Jobu mbuli boobo. Cindi Jobu nakalomba luse, wakatuula cituuzyo ca bana bakwe, cintu luzutu eco musinsimi oyo nca kajisi cakali cipaizyo cakutenta. Pele nkukoonse oko Leza nkwakali kuyanda.

<sup>50</sup> Leza tayandi lwiiyo a bufuba bunji, Walo uyanda moyo ulipede ku luyando Lwakwe. Ta kulombi kusama mu nzila imwi, na—na kwiinka ku zintu zimwi na ku makkolegi amwi, na madigrii. Walo uyanda moyo, mubombe, upengede utyokede, a moyo ulibambilide ku Mu tambula.

<sup>51</sup> Wa kasola Jobu, a kubona musyobo wa kuvwiila Nkwa kalino jana muli nguwe. Pele cindi Na kabweza mbelele zyakwe a kubweza musune wakwe, a kubweza nkamele zyakwe, a kubweza bana bakwe, “Njo bona eco Jobu ncaamba lino.”

<sup>52</sup> Elyo wa kati, “I Mwami wakapa nkabela Mwami wakanyanza, lilelekwe Zina lya Mwami.”

<sup>53</sup> Wa kajana eco Nca kaambila Saatani kuti Wa kali jisi muli Jobu, “Taakwe mbuli nguwe, aa nyika.”

<sup>54</sup> Mpawo minzumo yakatalika kuvuuma, lulabo lwaka talika kumweka. I Muuya wakaboola aa musinsimi, nkabela wa kakwiila, “Ndi lizyi Munununi wangu ula pona, alimwi ku mazuba akumamanino Uyo imikila aa nyika. Nekubakuti tuuka twa lukanda twa nyonyoona mubili oyu, nekubaboobo mu mubili wangu Njo bona Leza; Oyo Ngweyo bona lwangu, meso angu ayo bona, a kutali umbi.”

<sup>55</sup> Wa kasoleka bana ba Hebrayo kubona oyo musyobo wa kuvwiila ngo bakali nooba awo. Ba kalyaambilila aakati ka bahedeni kuti “Kwakali Leza muumi, kwakali Jehova Leza, alimwi kuti Wa kali Leza wa Julu a Leza wa nyika, alimwi Wa kajisi buntu boonse mu janza Lyakwe.” Aboobo Leza waka balekela kusunkwa. Alimwi baka kkwanisya ziyandika zyoonse, bakali kombede cakuzwidilila a kugwisya zintuzoyonse kuzwa mu nzila. Elyo teeba kafugamina cikonyanyo ca mwaami. Alimwi wa kalekela kusoselwa kwa bbila lyamulilo ziindi zili ciloba kwinda mbo lyakabede lyoonse. Elyo kwiina kuzumbauzya kuti Saatani wakali kusola ku baambila kuteeti, “Aya mamanino aa lweendo.” Nda botelwa nzila mbo bakaambaula, “Leza wesu ula konzya kutuvuna kuzwa ku bbila lyamulilo eelyo, pele, nekubaboobo, ikuti na Ta citi, ta tuko tyolaa Milao ya Leza. Tuyo kkala cabwini! Lekela lusyomo lwesu loompolole mu myaka iciza, kuti, twa kakkala cabwini ku cisyomezyo ca Leza.”

<sup>56</sup> “Leza wangu ula konzya kundiponya kuzwa kuli *ceeci*.” Na, “Leza wangu ula konzya kundi gusya mu whiluceya eyi. Leza wangu ula konzya kucita *eci*. Pele Nda ka Mu tambula mbuli Sikuponya wangu. Nda lyaambilila zibi zyangu (kutasyoma kwangu) a kulyambilila kuti Nda syoma kuti Walo Musilisi wangu. Lekela kusika, lekela eco cinga caba. Ikuti na Nseli mvwi kabotu sunu, Njo oba juunza; ikuti na Nse kabi juunza, Njo oba mwaka utobela. I Mwami wakapa nkabela Mwami wakanyanza, lilelekwe Zina lya Mwami!”

<sup>57</sup> Oh, nceeco mbo cakabede! Elyo cindi ni bakeenda mu bbila lya mulilo, kungsi lya kusolekwa, kungsi lya kusunkwa, baka jatilila cabwini kumamanino. Pele Leza wakaliko mukati kukuvuna kwa kaindi kaniini, elyo Wa kaba vuna. Ba kalizyi kuti bakazwidilila mu kukomba, zibi zyabo zya kaambwa. Ba kalizi kuti baka kkwanisya kuyandika koonse, alimwi nekuba Wa kali kuboneka kuumuna. Walo uumuna buyo ku kusoleka nduwe, ku bona ncobeni obo mbobede, eco cili mukati ka nduwe, kubona kuti na ula kanza nconzyo kuzwa ku moyo wako kuli ceeco ncoamba amilomo yako. Amuleke eco cinjile kusakana. Inga twaamba amilomo yesu, pele sa moyo wesu ula caamba?

<sup>58</sup> Lino, ciindi mwanakazi oyu muniini na kaziba kuti waka kkwanisya ziyandika ezi zyoonse, alimwi nekubaboobo Leza wakali uumwine. Kwakaboneka mbuli kuti Ta kamu bikkila maanu akwalo, Ta kabikkila maanu naa waa kapona na kufwa. Pele, ciindi coonse, Leza wakali kubeleka. Ta kazi kujatikizya nkuko, pele Leza wakaambila Eliya. Wa kayuminika kalonga, katandabika janza Lyakwe a kulesya kalonga kukunka meenda. Elyo Eliya wakati, “Mwami, nkaambonzi kaleka?”

<sup>59</sup> Wa kati, “Nda lailila mukamufu kuti akusanine.” Wa kamulaililide kale, ta ka cizyi.

<sup>60</sup> Kwayanda naka lailila nduwe zya bumboni bwa kuponesegwa kwako; kwayanda toka kuziba, pele kojatilila buyo. Cindi wanooli masimpe kuti wa kkwanisya ziyandika zyoonse, cindi waziba kuti wa cita zintuzyonse nzozyi kucita, a kulibikka lwako kumbele lya Leza, kuli cintu comwe luzutu cakucita, nku, jatilila ku cisyomezyo Cakwe mpawo. Kokkala awo! Leza wakasyomezya kwiingula, Uyo kucita. Ta muzi eco Nca kalailila, eco angelo, na *cintu* ca kucita. Inga kwaba busiku obu, kuswaangana kwa kuponesegwa kakutana talika juunza masiku. Leza kwayanda wabona ciimo cako sunu, Kwayanda waumvwa mupailo wako.

<sup>61</sup> Nda kafwida luse ku bantu aba basinkematwi a basyataambi. Ndi yanda kubikka maanza ali mbabo a kuba kombela, mpe kalekela masiku ainda, pele Nda kati eco inga ticaba kabotu kuli bamwi babo. Pele mbobuti mbo Ndi zyi kuti abusena bumwi kuli Leza uumwine oyo uuzi moyo, bantu aba ba kkwanisya kuyanda kwabo kwa Leza, alimwi bali libambilide, elyo kuli angelo awa sunumasiku waku bavuna kuzwa ku mapenzi abo onse? Mbobuti Mbwe tazibe? Leza kwayanda wakalailila kuvunwa kwabo sunumasiku. Naa Nda kombela balwazi, na pe, bayo kujana nkaambo Leza waka kuyanda. Koba masimpe a Leza, alimwi mpawo ko jatilila, ko kkwanisya ziyandika Zyakwe. Leza ulizi nzila ya kucita zintu ezyo ziluleme, ulizi nzila ya kucicita mu nzila iluleme.

<sup>62</sup> Lino, ncintu ceenzu loko kuti Leza wakatuma musinsimi Wakwe ku ng’anda ya mukamufu. Ino mbusena! Pele kweelede

kuti waa kali mwanakazi mubotu loko, nape Na takatuma musinsimi Wakwe okuya. Oh, ikuti na muntu wakali kweelela, na keelela kuba muntu waku sangabalisy a muntu mbuli Eliya.

<sup>63</sup> Mula yeeya, wakali Zekariya, mu ng'anda yakwe, kuti wakali kusyomeka a wabwini, kalindila Leza ku bapa mwana, alimwi Angelo, Gabriyeli, wakaboola ku ng'anda. Wa kali nakalindu Maria oyo wakali kupona cakusalala a kunjoloma, a kulindila cisyomezyo ca Leza, cakuti Wa katuminwa Angelo.

<sup>64</sup> Amwaambaule zya kuzuzaana a nyika a kuli bbwayaula cankwela ku nyika, elyo mpawo kulangila kubona baangelo a kucita maleele, takuko mu mabambe aa Leza. We elede kupona kabotu. Kosalazya ng'anda, kosalazya zilengwa zyako, kosalazya zintu zya inyika, amugusy e makkadi aanu a nkamu yanu ya nyika, amu libambile, elyo mpawo Angelo wa Leza inga wa kanana a kwaamba, "Muta yoowi, kwalo Ndime." Mpawo zintu zila citika. Pele wa . . .

<sup>65</sup> I mwanakazi muniini wakali kunselelo kakomba, mukutaziba kuti keenda kuselemuka cilundu kwa kaboola musinsimi. Wa kajisi cilengaano, oko kwa kuunka. Leza tasololeli bantu Bakwe caboofu, Ula baambila oko nko baunka. Wa kali kulanga mu munzi. Oh, cakali kuyoosya. Bantu bakali kufwa nzala calufu, a ku kwiilila kwa maanzi, a bantu bafwide nzala. Nku tondezegwa bwaamu. Nku tondezegwa kwa cibi.

<sup>66</sup> Elyo cisi eci cili patide nkambo ka ncico. To konzyi . . . I zyeesyo, nouba mulao wa bulenge inga teewa cilekela, cindi twano—cindi twano nyonyoona mali a buponi bwa butaka aluuni, kakuli cisela ca inyika cifwa nzala ya lufu (boonse mbantunsi abo Kristo mba kafwida).

<sup>67</sup> Ako nke kaambo masena akutolela lusyomo ali ku moyo wangu. Mu jisi bakutausi babotu omuno mu Phoenix, a moonse mu United States a masena, mabungano ku makkona oonse, bantu balemu ba Leza, miswaangano ya kuponya, bantu bapati mbuli Oral Roberts a bantu bamwi balemu, kabakambauka. Elyo kuli bantu kutala, bali mukufwa ku zyuulu abuzuba, abo tana kumvwa Zina Iya Jesu. Bantu basiya, baniini bacete bafwa nzala, kulaale mu Africa akokuya mu India, bantu baniini kaba lede mu kagwagwa, kabafwa, tabazi akwalo "Leza" nco caamba. Elyo mpawo tula kazya kujatikizya kwiimpana kwesu kuniini kwa buzumini bwa bukombi. Oh, tacili kabotu ncobeni (Nse yeeyi, beenzuma), ikuti na cili ku moyo wanu kubona ceeco.

<sup>68</sup> Lino, amubone mwanakazi oyu muniini mucete, naka mana kusondela aanze Iya mpulungwido a kubona kuti kwakali kutandila kupasuka kwa buzuba, muniini sena waa kalizi eco cakali kumulindila. Waa kali kuyeeya kuti lwakali lufu kuli nguwe a mulombe wakwe muniini. Aboobo Ndi . . . Kucindi naona, atu mulange kwa maminiti masyoonto. Waa unka, amana kupaila, akuumauma masusu akwe maniini kusule

kuzwa ku meso akwe, nkabela wakati, “Oyandwa mulombwana muniini, uboneka maningi mbuli uso, uyandwa musalali. Obo mbwa kasyoma Leza! Obo mbwa kapa buumi bwakwe ku kaambo ka Israyeli, okuya mu masena ankondo! Elyo uboneka maningi mbuli nguwe. Elyo, Oyandwa, Ta ndizi uutakwe kaambo ncopenga antoomwe aba similandu, pele bala cita.”

<sup>69</sup> Eci cisi, Banakristo, bayo penga nkaambo ka bubi mu tunzenyu, kubamba cisi coonse kupenga.

<sup>70</sup> Lino inga Nda mubona kanjila a kwaamba, “Ndiyo panga cibunge ciniini eno. Ndi jisi buyo bukkwana cibunge comwe ciniini ca—ca cinkwa caka syaala, elyo cindi twa cilya, mpawo tuyo fwa.” Aboobo ula njila mu kaanda, a ku gwisya busu kuzwa ku cinkuli ca busu. Nda konzya kumubona kacikunkumuna akuboko oko muniini ulibonya tufuwa, mbuli mbwauma cinkuli caniini mobwa kabede; ka cuuma, kabeela koonse ka suko, elyo kumalekelo waa kajana bukkwana ku cibunge comwe; ulainka ku insazi niini a kwijitatilila a kubinununa kabeela koonse ka mafuta kuzwa kuli njijo, kutandila muli conco.

<sup>71</sup> Lino, busu, zyoonse zintu zili jisi bupanduluzi. Busu bwakali kwiiminina “Kristo.” Kristo wakali cipaizyo ca busu. Cindi baziya busu bwa cipaizyo cakuyumba, ca Kristo, oyo wakali Kristo mu cipaizyo cakuyumba, mu Cizuminano Cakale, bala butwa a musyobo umwi waziyo, kuti kabeela koonse kaniini ka busu keelede kubambwa ncobeni kukozyanya, nkaambo Jesu Kristo ngu mbobuca nguwenya, sunu, amuya myaaka.

<sup>72</sup> Mula yeeya cindi zikolo zumwi kutala okuya kuti tii zyakazyi lwandaano akati ka bbonobono a bunyangu, a kuwaala bbonobono lya musokwe mu musinza wa bunyangu, ku kujika, elyo ba koopolola kuti, “Kuli lufu mu mpoto.”

<sup>73</sup> Eliya waka bweza busu bukkwana mu janza, waka bubikka mu mupoto, a kwaamba, “Amulye!” Ino busu bwakacita nzi? I busu, mu mpoto, bwa kakucinca kuzwa ku lufu kuya ku buumi; kuzwa ku kasensa kapa lufu kuya ku kasensa kapa buumi.

<sup>74</sup> Eco nce cintu nciconya mbocibede sunumasiku, kakuli kuli lufu mu cilongo cako. Kristo, kubikkwa mu cilongo cako, ku kuleta kuzwa ku lufu kuya ku Buumi. Kristo ubamba lwandaano. Kuboola mu moyo wa muntu, oh, Ula pa lumuno olo lwiinda kumwisya. Elyo akwalo Cipa Buumi Butamani, “Oyo usyoma Mwana ujisi Buumi Butamani, nkabela taka lobi.”

<sup>75</sup> Lino, wa kajisi busu, obo bwakaiminina Kristo. Elyo Kristo ndi Ijwi. “Ku matalikilo kwakali Ijwi, Ijwi lyakali antoomwe a Leza, alimwi Ijwi wakali Leza. Elyo Ijwi lyakaba mu mubili wabantu a kukkala akati kesu.” Kristo, cipaizyo ca Busu! Mpawo waa kaunka a kuyo jana mafuta. Elyo *mafuta* aiminina “Muuya.” Aboobo waa kabikka Ijwi a Muuya antoomwe, a kutalika ku Zi sanganya.

76 Oh, cintucimwi ceelede kucitika cindi eco cacitika! Acibe sunumasiku kuti Ijwi eelyo Nde kambauka linjila mu moyo wako. Mpawo lekela Muuya Uusalala unjile omuya a kuunka kusanganya Ceeco. Amulangilile eco cicitika cindi wa bikka Ijwi a Muuya antoomwe! Jesu wakati ku mwanakazi ku mukalo, “Mwanakazi, Nda kwaambila, ciindi cilasika, elyo lino nkocili, cindi Leza nayanda kukomba mu Muuya a mu Bwini.” Elyo Walo Mbwini.

77 I busu, amulange eco nca kacita, wa kasanganya Ijwi a Muuya antoomwe. Bantu banji bajisi Muuya kakutakwe Ijwi, bamwi bajisi Ijwi kakutakwe Muuya. Pele amubweze, amu Zibikka kabotu mu busena bwazyo, nceeco cibunge mu mugwagwa! Kuli cintucimwi cipangwa.

78 Mukamufu muniini uutakweankwaya takazi eco ncakali kucita, pele Leza wakaambila Eliya, “Nda kamulailila.”

79 Elyo Eliya uli mu lweendo lwakwe okuya ku mabwe abbalashi, kaselemuka kuyo bona cilengaano cakwe kacizulizigwa kubusena bumwi. Elyo ngooyu uliimvwi alya, kapukuta misozi kubelesya kuboko kwa cibaanga kugalankene kwa kaindi, a kwaamba, “O Jehova Leza, lusyomo lwangu taluna kakilwa, alimwi talu kakakilwi. Bumwi na bumbi, Ta ndizi nzila zyoonse ezi mbo zibede, pele twa kayiisigwa kuti zintu zyoonse zibeleka antoomwe ku bubotu.” Waa kali kukanda obu busu busyoonto, waa kajika cibunge a kunanika. Waa kati, “Lino nciindi cangu kuunka kuyo tebba nkuni.” Wa jokela a kujula mulyango, a kuti, “O Mwami, eelyo da lyanzala liniini kali lede alya, alimwi Ta ndina lide kwa nsondo zyobile na zyotatwe. Nda mupa kabeela kangu ka cibunge.”

80 Oyo mutumbu, luyandisyo lwa mutumbu ku muvwanda wakwe. Takukwe cintu mbuli ncico, biyo luyandisyo lwa Leza. “Ii mutumbu inga wamuluba muvwanda wakwe unyonka, pele Nse konzyi kumuluba. Mazina aanu akagwalwa mu matansyi aa maanza Aangu.” Mbobuti Mbwa konzya ku kuluba? “Nse kamusiyi, na kumu tantamuka. Njo oba andinywe lyoonse, nokuba ku mamanino aa inyika.”

81 Ngooyo waa kalanga muvwanda wakwe, ambweni waa kasobelela kujoka a kumyonta nkumu yakwe niini. Naa wa kawizuka akufwa aanze. Waa unka kubusena. Ca katalika buyo kubaanga. . . zuba lyatalika kupasuka atala lya zilundu zya Judaya. Alimwi waa langa ku zuba kalitalika kusondela. Kulaale kunselelo lya kagwagwa ula mvwa kusinganya a kuzumanana. Elyo waa unka mu lubuwa a, amubone, waa kabwezelela tusamu tobilo (kutali mukuli wa kuboko), tusamu *tobile*. Ino ncinzi? I “Ciingano.”

82 Lino, kufumbwa muntu ulizi, kufumbwa umwi wa beenzuma bangu bana India awa ulizi, na kufumbwa muvwimi, nzila iluleme yakupanga mulilo ku mamanino, ngu, kwiingana

tusamu tobile, zitanda zyobile, ku ziyasya mpoonya akati, aku zumanana kusosela mpela. Kuyo tola busiku bonse. Ziindi zinji Nda kalala mu nkanda, a tukuni tobile tutaindi kukomena mbuli obo, alimwi ku zumanana ku kasaala masiku oonse. Kunji buyo kubamba kukasaala, ula zumanana mpoonya akati kawo.

<sup>83</sup> Lino ino uyo citanzi? Kukutula tusamu otu tobile. Elyo Ijwi a Muuya zya leta cituuzyo-calwaco aa ciingano, kulibambila ku mulimo, kulibambila ku buumi. Kubikka Ijwi a Muuya, olo ndusyomo lwakwe mu Ijwi lya Leza kwiinda ku Muuya Uusalala, kali sololela mwini ku kutuula kufumbwa cintu cimbi ku Ciingano. Elyo cindi naka bikkaa kasamu munkwa yakwe, twalo tobilo, a katalika kujoka, waa katalika kujoka, elyo mpaawo kwakali jwi lyakazwa ku mulyango, “Mulindu.”

<sup>84</sup> Kakutanaba buyo eco, mudaala, ndiza kuba a lubala, amvwi kazilengelela ku malezu aakwe, a masusu aakwe kalengelela ansi, ii kasamu kaniini mu janza lyakwe, cikutu cambelele cakaindi na cintucimwi kacizambaidwe ali nguwe, keenda kuselemuka kagwagwa, kwaamba kuti, “Mwami, ndubaya luniini lumwi lutuba. Kuyooba mwanakazi mukubusyi uboneka kabotu” (kweelede kuti wakali mukubusyi, mulombe wakali mukubusyi) “aanze lya lubuwa. Wa kandaambila kuti wakali mukamufu oyo wa keelede kundi sanizya. Lino, uli kuli? Njo zumanana kweenda.” I Muuya wamusololela mu nzila *eyi*, mpawo amu nyona. Oh, ncibotu loko mbuli bana ba Leza mbo beenzegwa aa Muuya wa Leza. Takukwe makani obo mbo cilimwisya bufubafuba, bala sololelwa! Waa unka... Wa selemukila mu kagwagwa kamwi wakatanta, kuselemuka kagwagwa kamwi a kutanta kambi.

Kwiinde kaindi, Muuya wakati, “Langa ku lulyo lwako.”

<sup>85</sup> Elyo wa kulanga koonse mbuli *boobo*, mbuli buyo Mbwa cita awa aa cibumbili, masiku a masiku. Oh, Leza ucili mbubonya! “Kolanga ku lulyo lyako, ku lumwensi lwako, kuli muntuumwi ukomba oyo ukubulide.”

<sup>86</sup> Elyo wa kalanga kuli lyakwe kuti lili luleme. “Kwaamba, kuli lubaya luniini aatuba. Mbo mbubo ncobeni. Nse kozwa buya awa, nkaambo kuli musamu wakaindi wiimvwi awo. Elyo nzezyo zintu zyoone mbubonya buyo nzila Mbwe kabona mu cilengaano.” I mulyango wajuka a mwanakazi muniini wayutuka.

<sup>87</sup> Lino, amuyeeye, uya ku kubwezelela buyo tusamu tobile. Ta kakonzya kubwezelela totatwe, bweza bobilo kupanga Ciingano. Wa kabwezelela tusamu tobile a kutubikka munkwa yakwe elyo wa katalika kujoka, kayeeya, “Njo oba a cibunge ciniini cano jikidwe cindi mulombe abuka. Elyo mpwo Njo cisanizya nguwe, Nse kalyi cimwi lwangu. Elyo Njo bikka mulombe wangu muniini mu maboko angu, nkabela tuyo kkala a kufwa.” Elyo waa katalika mu ng’anda.



<sup>88</sup> Waa kamvwa jwi lyeenzu atala lya mulyango, lyakati, “Mwanakazi, sa inga wa ndiletela maanzi akunywa masyoonto mu cilongo?”

<sup>89</sup> Elyo waa kanyona, elyo waa kayeeya, “Ngooyo muntu mudaala sibuuuya kaimvwi ku mulyango.” Waa kamulanga kabotu loko, alimwi ndiza kapukuta misozi kuzwa ku meso akwe, kwakali kuseeni loko. Nywebo mulizi, Leza ulacita zintu zyeenzu loko. Waa kali libambilide kutuula. Maanzi akali ccintu cikataazya kujna, teeya kawa mvula kwa myaka yotatwe a myeezi iili cisambomwe.

<sup>90</sup> “Sa inga wandiletela . . .” Ndiza Leza waka mwaambila kwaamba ceeco, kubona eco ncali cita, kusoleka kuvwiila kwakwe. “Sa inga wandiletela maanzi akunywa masyoonto mu cilongo?”

<sup>91</sup> Elyo waa kamulanga. “Wa kalimvwisya bwandeene. Kuli cintucimwi kujatikizya mudaala eco Nce mufwida nsoni.”

<sup>92</sup> Kufumbwa musyomi mu Leza uyoabana kugolelwa nkukonya a umwi umbi. Iiyi. Eco ncintu comwe kujatikizya bantu ba Pentekoste, bayo gusya shaati kusule lyabo, ku Kaambo. Mbo mbubo. Bwalo mbwini. Eco ncintu cipati, cimwi ca zintu zipati a mbabo. Mba sikupa maningi mu inyika, nkaambo balizi kuti olu lubono lwanyika ta lwaambi makani mapati. Ba bikka lubono lwabo ku Julu, nkaambo baya kutala okuya mazuba aya amwi.

<sup>93</sup> Elyo aboobo mwanakazi oyu, waa kati, “Njo abana maanzi angu. Tuyo fwa, aboobo Njo tuula maanzi angu akunywa, akwaaapa ku mulombwana mudaala sibuuuya wiimvwi alya, nkaambo uboneka kufwa nyonta akukatala.” Waa kati, “Ndi laaleta.” Elyo waa katalika kweenda.

<sup>94</sup> Elyo alubo waa kamvwa jwi, kalyaamba, “Alimwi mu janza lyako limbi, sa inga wandi janina munsuma muniini wa cinkwa?” Oh, ma! Lino, lino ninzi?

<sup>95</sup> Bulangizi bwakwe bwamamanino ku buumi bwa mwana wakwe. Bulangizi butaanzi mbo baka jisi, a cinkwa nica mana, mafuta nakama, zintuzyonse nizya mana eno. Pele wa kalanga kusule, elyo wa kalibuzya. Wa kati, “Ndi jisi buyo busu buniini bwa kasyaala mu cinkuli. Ndi jisi buyo mafuta akubwene ayo Nge citetya, elyo Nda cikanda kale, na, Nda kacisanganya. (Ndi jisi Ijwi a Muuya kazisangene antoomwe omuya. Ndi jisi Ciingano awa caku cibikka awo, ku cibikka mu cibunge kuti cipe Buumi.)” Elyo nce cindi Muuya a Ijwi noziboola antoomwe, aa Ciingano, kubamba Buumi kuli ndinywe. Mbo mbubo. “Elyo Nda zibikka antoomwe, alimwi Ndiyo njila lino aku cijika, a kupa mulombe wangu muniini ufwa omuya, oyo wali kulilila kulya cintucimwi cakulya masiku onse, Nde—Nde elede ku cipa kuli nguwe. Ndiyo tuula cangu alimwi Ndiyo—Ndiyo cipa kuli

nguwe. Elyo mpawo Njo mubikka mu maboko angu, nkabela toonse tuyo lindila lufu.”

<sup>96</sup> Wa kati, “Pele, undibambile ciniini, lutaanzi.” Sa eco tacili ceenzu kuti muntu unga walomba mwanakazi mukamufu, ulimu kafwa, nkambo kabeela ka mamanino ka busu nka kajisi mu ng’anda, a mwana wakali kufwa? Leza ulacita zintu zyeenzu loko! Kati, “Kondi jikila comwe niini, lutaanzi!”

<sup>97</sup> Waa kalangalang, “Nywebo mulizi, Bbaibbele lyaamba kuti twa kasangabalisyaa beenzu. Twa kasangabalisyaa beenzu, bakali baangelo, mukutaziba eco nco twakali kucita.” “Ee,” waa kati, “Ndiyo cicita.”

<sup>98</sup> Elyo mbuli mbwa kanyona, wa kati, “Nkambo . . .” Oh, ma. Nceeco mbo cakabede, kuumbulizigwa kupati oko musyomi uuli oonse nkwa kasola kuswiilila, “Nkambo, MBUBOBU MBWAAMBA I MWAMI!” Elyo nde Ijwi ndya kali kulindila. “MBUBOBU MBWAAMBA I MWAMI, ‘I cinkuli ta cikamani, ayalo nsazi tai kayuminini, kusikila ku buzuba obo Leza mbwa tuma mvula aa nyika.”

<sup>99</sup> Ncinzi nco twiyya awo? Amu yandaule lutaanzi Bwami bwa Leza, a bululami Bwakwe, zyonse zintu zimbi ziyo yungizigwa. “Mbobuti mbo Ndi zyi, Mukwesu Branham? Mbobuti mbo Ndi zyi?” I cintu biyo nce Ndi zyi, nkubikka Leza lutaanzi a kuzumanana. Tuula! Kusanganya mafuta, kusanganya i—i Ijwi a Muuya antoomwe, koli bikka lwako aa Ciingano, a kwaamba, “Mpaawa Mpendi, Mwami.” Kobikka Leza lutaanzi mu zintuzyonse!

<sup>100</sup> “Nkambo, MBUBOBU MBWAAMBA I MWAMI, ‘I nsazi tai kayuminini, naanka cinkuli ta cikamani, kusikila ku buzuba obo Mwami Leza mbwa tuma mvula aa nyika.” Waa kalizi, mpawo, kuti oyo wakali musinsimi wa Leza kaambaula kuli nguwe. Oh, obo moyo wakwe mbo kweelede kuti waka sotauka! Wa kazuzila mukati a kupanga cibunge eco ciniini a kucileta kuli nguwe, a maanzi, maanza kakankama ku masaya ayo akabbookela mukati, waa kalizi kuti Leza waka boola ku kuvunwa, ku kabeela kaniini ka cinkwa.

<sup>101</sup> Oh, kobweza buyo cisyomezayo eco comwe ciniini ca Leza, a kululamika zintuzyonse, a kuzwa mu nzila, langilila eco cicitika! Gwisya moyo oyo . . .kutasyoma kuzwa kuli ncico. Kobweza buyo buzumini obo buniini mbo jisi, aku kubikka aa Ciingano, a kwaamba, “Oku koonse Nkwe jisi, Mwami. Ko kubweza”; amulangilile kunyona, “MBUBOBU MBWAAMBA I MWAMI.” Oh, Uli mbubonya buyo sunu mbuli Mbwa kabede lyonse. Nce ncico ncakali kulindila.

<sup>102</sup> Ndiza kuboneka kusiya loko lino, pele, nywebo mulizi, ziindizimwi tula yiisigwa (alimwi Nda kakambauka ali ncico busiku bumwi) kula siya loko lyoonse kakutana kuca. Nku

oora lya mudima maningi lya masiku cindi nyenyeezi ya bucedo noimweka, itondezya kuboala kwa zuba.

<sup>103</sup> Mu Germany bali jisi cifwanikiso, ba ciita kuti cifwanikizo ca “Kkumbi” eco. Kwalo—kwalo kulendelena kuli ceeci cifwanikiso cipati ca kubambulwa ku i. . .ku Forest Lawn mu Los Angeles (cifwanikiso cipati cili mu bukwasule mbuli buyake obu mbo buli mumbali, ba kacita kuyaka buyake kuzunguluka cifoto; bunji bwanu mwa kacibona). Pele eci mucu Germany citegwa, “i angelo. . .” na, “I Buzuba bwa Kkumbi,” Nda syoma mbo ciitwa. Elyo cindi waleya kuzwa ku kabeela kuzwa kuli ncico a ku cilanga, oh, ciboneka bubyaaibi, kuboneka mbuli makumbi anyemedede kasangana kuli limwi alimwi, mbuli obo, mbuli mimuni mboimunika ali ncico. Elyo ciboneka mbuli kuti makumbi ayenda, mbuli nzila cifoto mbo cibede kutondezya mimuni, cibamba kuboneka mbuli kkumbi, guwo lyamvula likali kali boala kumwaya zintuzyonse. Elyo mpawo ulambilwa a mweenzyi, “Koenda muni loko, a kuzumanana buyo ku cilanga.” Elyo cindi wasika muni loko kuli ncico, taali makumbi, alo mababa aa baangelo ka bauma antoomwe, kabatangala. Calo ncilongezo mu kulisisa.

<sup>104</sup> Ndiza kuciswa kwako sunumasiku, ndiza cituuzo canu cazwa awa, cakali cilongezo buyo mu kulisisa. I Baangelo ba Leza nkobali, baliko, kuswaanganya mababa abo antoomwe a kutangala, nkaambo kuli lembedwe mu Lugwalo, kuti, “I Baangelo baku Julu bakala sekelela cindi sizibi omwe nakasanduka.” Amuyeeye ali ceeco. Nkambo, MBUBOBU MBWAAMBA I MWAMI, Jesu Kristo ngu mbobuca nguwenya, sunu, amuya myaaka. Luzyalo lwakwe talu konzyi kumanwa. Alimwi Uli libambilide kukupa cili conse moyo wako ncouyanda.

<sup>105</sup> Lino atu kombe kwa kaindi kaniini, kuciindi notu kotamikide mitwe yesu mu mupailo. Elyo Ndi syoma kuti muyo kkala mu kulanganya kwa mipailo. Sa kuli muntu umwi awa lino (a meso aanu kajalidwe a mitwe yanu kiikoteme ku bulongo nko kazwa; alimwi, na Jesu kataninga boala, uyo sanduka kujoka ku bulongo) elyo to kafutulwa, sa inga watambika buyo janza lyako obo kunji, a kwaamba, “Mukwesu Branham, buumi bwangu bwakali bwa kusampuka, abwalo, alimwi Nse futukide. Kondi yeeya mu mipailo yako sunumasiku, Mukwesu, Ndiyo tambika janza lyangu?” Sa muntu oyo uli omuno, mulombe, musimbi, mwaalumi na mwanakazi, oyo utana futulwa? Nse kokulomba kumbi pe, tambika buyo janza lyako lino kutegwa Ndi kukombele.

<sup>106</sup> Kululyo lwangu, Leza aku longeze, Leza aku longeze, Leza aku longeze, a yebo, a yebo. Kubusena bumbi, kulaale kusule, kumwi okuno akati ka kazila, tambika buyo janza lyako. Taakwe muntu uulanga, mudi lekele buyo a Muuya Uusalala kucita

kulanga oku. Lino, Leza aku longezye, Leza aku longezye. Eco ncibotu.

<sup>107</sup> Umwi uumbi aakati ka tuzila, tambika janza lyako, kwaamba, “Mukwesu Branham, Nseli Munakristo. Nda—Nda kapenzya Muuya Uusalala kuya kulaale loko kuzwa kuli ndime mane Ta ndici cipenziy limbi. Pele, ncobeni, Ndi lizi kuti Ndili lubide. Ndi lizi Nsena kuzyalululwa ku Muuya Uusalala. Ndi lizi kuti Nsyee—Nsyee eleli. Nse jisi kumwi. . . Nse jisi zintu zyangu zyoonse zyaambwa. Ta ndina kkwanisya ziyandika zya Leza zyoonse.”

<sup>108</sup> Ndiza uli cisidwe. Ta cika gwasyi mane ukkwanye ziyandika zya Leza. “Mukwesu Branham, Nda kalyaambilila Bunakristo kwa ciindi cilamfu, pele ncobeni Nda kazumbauzya kuponesegwa kwa Buleza. Nda—Nda kazwaa kulibuzya ikuti na oyu Muuya Uusalala wali luleme.” Oh, mucizi oyandwa, na, mukwesu oyandwa, to konzyi kujana cintu kuzwa kuli Leza mbuli boobo. Peepe. Yebo weelede kukkwanya ciyandika coonse, elyo mpawo koba masimpe kuti uli luleme a Leza. Mpawo kubweza cisyomezyo Cakwe a kujatilila kuli ncico.

<sup>109</sup> Ku lumwensi lwangu, sa inga kwaba uli oonse omuya? Bamwi banu nobantu baniini kusule okuya, mbubonya buyo, ikuti na toli Munakristo, tambika janza lyako a kwaamba, “Kondi yeeya, Mukwesu Branham.” Leza aku longezye, Nda bona maanza ako, kulaale kusule, kusule kwini, Nda kubona, mulindu; kusule awa, inzya. Okuya, kubusena okuno, iyyi, musimbi muniini. Inzya, inzya Mwami amu longezye nyoonse antoomwe okuya. Eco ncibotu.

<sup>110</sup> Lino, Nda kamusyomezya okuno nkukoonse Nkwe konzya kumulomba, amutambike buyo maanza anu. Lino tuyo komba. Elyo katutana kucita eci lino (twa mana kubamba basizibi kutambika maanza abo, bamwi bali makumi obile na makumi otatwe), mbangaye bacisidwe, uunga watambika janza lyako a kwaamba, “Kondi yeeya, Mukwesu Branham, mu mipailo yako, kuti Leza andifwide luse a kundi ponya”? Ndi yeeyela kuti kuli bali myaanda yobile, na bainda, kuli mbabo. Ncibotu.

Atu kombe.

<sup>111</sup> Taata wesu Wakujulu, nca luzyalu loko kuboola kuli Nduwe a nkumbizyo ezi. [Kabeela katakwecintu aa teepu—Mul.] “. . . elyo kuli Ndime, Ndime Cilenga wanu.” Elyo baka bikka maanza abo mujulu, mpawo eco citondezya kuti Muuya mupati kwiinda sayaansi. Taata, Wa kati, “Taakwe muntu ukonzya kuboola kuli Ndime, cita kuti Taata Wangu wa mukwela lutaanzi. Elyo boonse baboola kuli Ndime, Ndiyo bapa Buumi buteeli.” Lino mbi Bako, Mwami. Bape Buumi, ndyoonya lino, awo mpo bakkede mu zyuuno zyabo. Akube kuti babe a Buumi Butamani. Akube kuti Uba komezye ku buzuba bwamamanino,

kubatuula kuli Taata Leza wa Julu mbuli ziyandisi mu musyini wa Mbungano. Ko cipa, Taata.

112 Nda kombela aba baciswa a bapengede. Bunji bwa maanza abo atambika sunumasiku, nkaambo baka bona kuti mwanakazi wakali kubulide Leza kapati; waa kabona ayo maora mapati akali kuboole. Kwiina kuzumbauzya kuli banji bakkede omuno mu nzila eyo njiyonya, abo beelede kufwa, pele Leza wakalailila kale basinsimi Bakwe, a zintuzyonse zili kabotu. Ciyo beleka buyo kabotu. Ikuti na bali masimpe kuti zintuzyonse zili kabotu, nkokuti bali masimpe aa Leza. Bali masimpe kuti Ula bamba cisyomezyo Cakwe. Mpawo, Taata, twa lomba kuti Uyo beleka ambabo sunumasiku, mbuli bana bako, baciswa baluyando; a kuponya mapenzi abo, a kubapa nguzu a luzyalo a lusyomo. Kocita, Taata.

113 Longezya bakutausi boonse abo bali waano sunumasiku, basinsimi bako bayandisi. Twa lomba kuti uyo bananika, Mwami, alimwi akube kuti babe mbabo bayo longezya maanda aa bantu aba, kuti kukabe Cinkwa ca Buumi mu maanda abo kufumbwa kuti kaba pona. Akube kuti nsazi yabo ita kayuminini, na cinkuli kuta kubula zintu. Akube kuti kube cinkwa cakumuuya mu mbungano yoonse moonse mu cisi eci, Mwami, ayo sanina bafwide nzala abo babulide. Ko cipa, Mwami.

114 Tula Ku yanda. Elyo tu lizi kuti Wa ka tuyanda lutaanzi, nkambo cindi nitwaka cili basizibi, Kristo wakafwida ndiswe, Uutakwe kaambo kuli bajisi milandu, kuba mulungo wa zibi zyesu, ku kutuyanzanya kupilukila kuli Leza; cindi nitwa kasweeka a kunyonyooka, kakutakwe Leza na Mwana Wakwe, kuzwa ku muunda wa Edeni, kuzwa ku nsotoko zya matata esu zyaka tuleta mu lupyopyongano lwa cibi. Elyo Jesu waka tu yanda cakuti Wa kaboola ku luyando lwa Leza a kutunununa kujokela kuli Leza, kwiinda mu cipaizyo ca buumi Bwakwe mwini aa Kalivari. Nda Kulumba, Taata, nkambo ka bubotu Bwako boonse.

115 Tu pona mu zimvule zya ciindi camamanino. Inga tee kwaba juunza masiku. Ta ndizi, Mwami, eco cili kuli Nduwe. Pele kuciindi noku cikonzeka kuti bamwi inga banjila sunumasiku, Taata, Nda komba kuti Uyo tuma Muuya Uusalala.

116 Wa kati, “Mbuli mbo kwakabede mu mazuba akwa Sodoma, mbubonya mbo kuyooba mu kuboole kwa Mwana wa muntu.” Mu mazuba akwa Sodoma, baka jisi misela yotatwe ya bantu: sizibi, membala wa mbungano ukasaala biyo, a Basale (bakaitwa); Banasodoma, abana Lota, abana Abrahamu (bakaitwa kuzwa ku nyika). I bana Sodoma bakatambula bakutausi bobilo baka jisi mulumbe mupati. Elyo nkamu ya Abrahamu yakatambula citondezyo, nkabela citondezyo cakali ca Muntu kajisi lusuko aa zisani Zyakwe, oyo wakaziba

Abrahamu, mukuba mweenzu; kalimuzi mukaintu wakwe, Sarah, zina lyakwe mbo lyakabede; alimwi, wakaambila Abrahamu, a sule Lyakwe kalifutete ku tente oko Sara nkwa kabede, “Nkaambonzi waa seka?” O Leza, akube kuti mbungano iisinsimuke a kubona! Mbuli Jesu mbwa kaamba, “Mbuli mbo kwakabede mu mazuba akwa Sodoma, mbubonya mbo kuyooaba ku kuboola kwa Mwana wa muntu.” Oyo Leza nguonya wakali kunga walibonya mu mubili wa Mbungano Yakwe, alimwi wakali kutondezya citondezyo nciconya. Ko cipa, Mwami, alubo sunumasiku. Twa lomba mu Zina lya Jesu. Amenii.

Nda Mu yanda, Nda Mu yanda

Lino ko Mu komba buyo cabubotu mu Muuya.

Nkaambo Wa kasaanguna kundi yanda

A kuula lufutuko lwangu

Aa cisamu ca Kalivari.

<sup>117</sup> Oh, kumane mulumbe, sa tamuli mvwide ku kumbwa konse? Buyo Muuya Uusalala usalazya moyo wako kuzwa ku kutasyoma koonse, ku kujosya ncobeni mu mukondo a Leza alubo. Oh, lino nciindi caku Mu komba. I mulumbe wagola, aboobo atu Mu kombe buyo lomwe mu lwiimbo olu, mbuli mbo twiimba *Nda Mu Yanda*. Bantubonse, cabutontozi buyo a cabubotu lino. Amu jale meso anu a kulanga buyo ameso anu akumuuya kuli Nguwe, kubona eco Nca kacitila mukamufu oyo. Mula yandwa mbubonya kuli Nguwe mbuli mukamufu oyo, Wa kayobola buumi bwako, abwalo. Sena to Mu yandi?

Nda Mu yanda, Nda Mu yanda

Nkaambo Wa kasaanguna kundi yanda

A kuula lufutuko lwangu

Aa cisamu ca Kalivari.

I Musilisi mupati uli munsii lino,

I Jesu silweetelelo;

Ula kanana ku myoyo yuuside kuti itangale,

Taakwe zina limbi cita Jesu.

Bwiimbe bubotu loko mu kaimbo ka baangelo,

Zina bbotu loko ku lulimi lwa muntu uufwika,

Kaimbo kabotuloko ka krisimasi kakasola

kwiimbwa,

Oh, Jesu, Jesu muyandisi.

<sup>118</sup> Kuciindi nabamba bwiimbe ku organi, cabuteteete. [Mukwesu Branham wang’ung’una *I Musilisi Mupati*—Mul.] Cindi Nda mvwa lwiimbo olo, cileta cintu comwe kuli ndime. Ciindi cimwi cakainda ku Ft. Wayne, Indiana, kwakali musimbi muniini muna Dunkardi kakkede, kalizya piyano. Ta kali muna Pentekoste, pele waa kajisi masusu mabotu malamfu akacitwa kusyule. Elyo Nda kali kuyo kombela balwazi, alimwi umwi mutaanzi mu mundando wakali mulombe muniini, wa kali kusunkuta, mulwazi wa poliyo. Elyo Nda kabweza mulombe

muniini kuzwa mu maboko aa mucizi, a kujata mulombe muniini, elyo Nda kati, “Nincobeni, Musilisi mupati mpali ano, ulizi maseseke a myoyo yoonse.”

Elyo Nda kati, “Ula syoma eco na?” ku nkamu ya bantu bakali zyuulu zisyoonto.

<sup>119</sup> “Iyi,” boonse baka cisyoma. Pele bakali kubaanga balasisa, bwakali busiku butaanzi bwa muswaangano, elyo ba kali. . . Mulombe wakali muyumu kuli mbabo kumvwisya.

<sup>120</sup> Elyo Nda kati, “Sena ula syoma kuti Mwami Jesu ulakonzya kundaambila kuti nguni oyu mulombe muniini, a zina lyakwe mbolibede? Sa inga mwasyoma? Sa oyo inga waba Angelo nguwenya oyo waka swaana Abrahamu, oyo wakaziba eco Sarah. . . Sa inga waba nguwenya Jesu oyo wakaziba Nataniyeli cindi na kasika, oyo wakaziba Petro a ku mwiita ku zina, kaambila mwanakazi ku mukalo, a zintu ezi zyoonse? Sa oyo inga waba Jesu nguwenya?” Boonse baka tambika maanza abo, ba kaciyeeya kuba boobo.

<sup>121</sup> Elyo Muuya Uusalala wakatalika kuyubununa ceeci. Elyo, cindi Na kacita, mulombe muniini waka sotoka kuzwa mu maboko angu, wakazuza kuselemuka a kusotoka kuzwa aa cibumbili. Banyina bakawizuka mu cuuno moba kkedede nkoonya kumbele lya mulombe muniini. Elyo mulombe muniini kazuza mujulu ansi. I musimbi muna Amish, na Dunkardi wakali nguwe, kalizya piyaano, waa katuba ncobeni, kasotoka mujulu mu i—mu kati ka muswaangano, alimwi masusu akwe akawida kusule lyakwe. Waa kasamide dressi lituba. Waa kali kuboneka mbuli angelo. Elyo waa katalika kwiimba boobo mu myaambo itazizilwe. Elyo, cindi na kacita, piyaano tiya kaimpya bulile, kailila:

I Musilisi mupati uli muni lino,  
I Jesu silweetelelo;  
Walo ukanana ku moyo uuside kuti ube  
alumwemwe,  
Taakwe zina limbi cita Jesu.

<sup>122</sup> I bantu baka bungilila ansi kuzunguluka cipaililo, a koomoka a kuwida mu tuzila, a kukwiila “Leza kondi fwida luse!” Oh, ino wakali muswaangano!

<sup>123</sup> Oyo Musilisi mupati ucili waano. Tana kakilwa. Ta konzyi kukakilwa. Lino, mbangaye omuno basyoma boobo, cakusinizya, a moyo wako oonse, alimwi uli waano sunumasiku a bulangizi bwa kuponesegwa kwa nguzu zya Leza?

<sup>124</sup> Ikuti na kuli umwi mu buyake Ngwe zyi, kunze lya baaba mpoonya awa, aba balombe bakkede awa, botatwe babo abo Mbe kali kwaambaula abo buzuba bumwi ku muswaangano yakubuzanyanya kumbali, bazwa ku Arkansas; Mukwesu Pat Tyler, walo ncigebenga cakasanduka; Mukwesu Williams ukkede mpoonya alya; alimwi kuciimo Mbwe konzya. . . a

Mukwesu Gene Goad, mulongwe wangu, ukkede mpoonya awa. Elyo Ndi yeeyela kuti mbe boonse Mbe bona mu buyake abo Mbe zyi kuciindi eci, pele ku nzila eyi Ndi zyi bantu aba bakkede awa.

<sup>125</sup> Lino, Nda kaimikila a Korani mu janza lyomwe, a Bbaibbele muli limbi, kumbele lya bali zyuulu zili mwaanda, a kwaamba “limwi lyeelede kululama, alimwi limbi tali luzi.” Elyo bukombi bwa Bunakristo mbo bulikke akati ka bukombi boonse; alimwi ba Makanimabotu Aazwide mbe nkamu ilikke akati kabo ikonzya kutondezya kuti Jesu Kristo ucipona. I bamwi babo bali jisi lwiiyo lwabukombi, alimwi bayo kwaambila kujatikizya mbubo, “Tu jisi buyo mbuli lwiiyo lwa kulilemeka kwa mizeezo.” Bana Muhamedani bati, “Tu jisi buyo lwiiyo lwa kulilemeka kwa mizeezo. Inga twaongolola kapati buyo ku musinsimi wesu mbuli mbo konzya kuli Jesu wako. Pele musinsimi wesu taka tusyomezya cintu. Jesu wanu waka musyomezya kuti Uyo buka kuzwa ku bafu, a zintu ezyo Nzya kacita muyo zicita azyalo nkaambo Uyo pona muli ndinywe. Lino mwaamba kuti musinsimi wesu uli fwide, omuya mu cuumbwe, alimwi mu jisi Jesu wakabuka. Atu Mu bone kacita.” Bayo bikka . . . muta . . .

<sup>126</sup> Inga mwasobana onse awa a bamwi aba basilwiiyo lwabukombi, ku mabala amwi a Cigriki na cintucimwi ncomu nyongene kujatikizya lwanu, pele muta soli ku cileta ku kazekelo a bantu bamwi. Ncibotu mwaba aceco nco mwaambaula. Elyo ncibotu mwaziba. Ako nke kaambo necili ciyumu kutola mamissionari okuya. Ba lizi eco nco baambaula. Elyo ncibotu mwaziba, nkaambo bayo ita janza lyako ali ncico.

<sup>127</sup> Pele Ndili lumbide loko sunumasiku, ku kuziba, beenzuma, kuti Jesu wesu (a cisyomezyo coonse eco Nca kapa) bwalo Mbwini. Ikuti na Nda konzya kuponya muntu uli oonse awa, inga Nda cicita; ikuti na Nse konzya cicita, inga Nda ba sikuupaupa. Pele Nse konzyi. Pele Leza wakapa cipego ku mbungano, eco Nca kasyomezya.

<sup>128</sup> Kuti kuciindi ca mazuba akwa Luther, twa kaponi ku kululamikwa. Kuciindi ca mazuba akwa Wesley, twa kaponi ku kusalazigwa, mbungano yakaba mu busyoonto. Mu mazuba aa Pentekoste, twa kaponi muciiindi ca Lubbizyo lwa Muuya Uusalala a kuboomezya kwa zipigo. Lino tuli mu busyoonto ncobeni, kuboola kwa Mwana wa Leza. *Awa* ba kasyoma ku lusyomo; *awa* ba koongolola kuni lya kusalazigwa; *awa* ba kaamba mu myaambo mbuli cipego; pele *lino* negativu a positivu, alimwi i—i nsonje iya buboola atala lya piramidi, alimwi nciiindi camamanino, cindi Kristo a mbungano Yakwe nizya kozyanya loko mane iyo ita bafu kuzwa ku Methodisti, Lutherani, a boonse abo kaindi okuya, nkabela kuyooba bubuke. Balo bakoona mu citaanzi, cabili, catatu, cane, casanu, cacisambomwe, a kulangila kwaciloba, bayo buka bumwi bwa



mazuba aya, kuyo swaana Jesu mu milengalenga. I oora lyasika, beenzuma, Kuboola kwa Mwami kuli afwaafwi.

<sup>129</sup> Tu langa ku Jerusalema a kubona kuti ba Juda bakofwaazigwa nkambo ka ndiswe. I musamu wa mukuyu uli mukubikka delema lyawo. Wa kati, “Elyo masamu ambi.” Billy Graham wakacitya ii—ii lubukulusyo akati ka bantu bakuzina buyo. Oral Roberts wakacitya lubukulusyo akati ka ba Pentekoste. Elyo lino Jesu, Mwana wa Leza, waboola mu basyaalizi aba, ku kwela bantu nkambo ka Bbwelyansonje, kujosya Mwana wa Leza, ku cintu cimaninide ca Kuboola kwa Mwami Jesu. Wa kati, “Mbuli mbo kwakabede mu mazuba akwa Sodoma, mbubonya mbo kuyooba mu Kuboola kwa Mwana wa muntu.”

<sup>130</sup> Ndila pa sule lyangu kuli ndinywe, kutali obo kuti mubone. Lino, amuyeye, takali muntu. Muntu uukkede alya wakali kkaushiamu imwi, potashi, a mafuta a petroliamu, tuntu tuli kkumi acisambomwe twa inyika oto Leza ntwaka kabweza, “Fuu!” kafulida antoomwe a kunjila muli nguwo nkabela wakali kupona.

<sup>131</sup> Jesu Kristo wakali cintu nciconya. Wa kali Mwana wa Leza. Wa kali Leza kayubululwa mu mubili, pele mubili wakwe wakali muntu, Muuya Wakwe wakali Leza. Mpawo Wa kasyomezya mu mazuba aakumamanino kuti Uyo boola mu Mbungano Yakwe. “Ii kaindi kaniini elyo inyika tiika Ndi boni limbi; nekubaboobo muyo Ndi bona, nkambo Njo oba andinywe, nomuba muli ndinywe. I milimo eyo Nje cita muyo icita anywebo.” Mwabona? Lino oyo Musilisi mupati mpali ano.

<sup>132</sup> Wa kati, lino, “I citondezyo ca Sodoma a Gomora.” Lino, ino ncinzi? Amulange mapepa esu, “Kulalana kwamulicabo, kupilingana, kwaindila mapeseenti ali makumi one ku myaka yakainda ili kkumi.” Mizuzumo yanyika mu masena aansininsini, misyobo yoonse ya zitondezyo zya Kuboola. I mbungano ili mukuwa, ciindi camamanino cili awa.

<sup>133</sup> Lino Leza utondezya zitondezyo Zyakwe, awalo, mbuli mbo twa kali kukambauka. Lino, ikuti na eli Bbaibbele ndya bwini, kwalo Lili boobo, Ndili libambilide kufwida bukanze obo. I Bbaibbele mbwini. Jesu Kristo ulapona. Tuli Mbungano Yakwe, kazwide Muuya Wakwe, mpawo Buumi Bwakwe muli ndiswe buyo leta Buumi mbubonya obo Mbwa kaponi mu Mwana wa Leza, ikuti na Muuya Uusalala—i Muuya Uusalala wa Leza ula pona muli ndiswe.

<sup>134</sup> Nkambo bulemu bwa Leza a ku kaambo ka mbungano, a ku malwazi anu, nywebo nomuciswa a bapengede, guma moombe wa cikobela Cakwe a kubona ikuti na mula konzya ku Mu citya kwaamba kwiinda muli ndime, mbuli mulanda Wakwe, ku mwiita mbuli Mbwa kacitila mwanakazi oyo wakaguma cikobela Cakwe. Akube kuti Mwami acipe. Sa inga camubamba

kusyoma kupati, a kuzumina kuponesegwa kwanu? Mbangaye basyoma kuti inga bazumina kuponesegwa kwabo ikuti na Leza wamwiita boobo, naku Mu bona kaita? Tambika janza lyako. I Mwami ko cipa.

Kobamba oyo ya *Musilisi Mupati* kalila, sa ula cita? Nda limvwa kusololelwa kucita eco.

<sup>135</sup> Ndila nyonena ku beenzuma bangu okuno sunumasiku alubo, ku mulanga buyo. Bakwesu, Nse soli . . . kuli ndinywe . . . Leza ngu kamboni wangu, Mukwesu David. Mbubonya mbuli Mbwe kacibamba antangalala kwini ku bantu, kuti, nseli ndime. Nse jisi cintu cakucita a ncico. Ndili buyo . . . Leza wakacita belesya umwi. Uli . . . Elyo taakwe maanza aleelela, pele Leza ulaabamba kweelela. Mwabona, Ula—Ula—Ula sala kuzwa ku malengelo aa inyika, Bukanze Bwakwe bweelede kucitwa, alimwi bweelede kucitwa, bweelede ku kutaukwa.

<sup>136</sup> I Mbungano iyo bako, iitakwe kaimba na kabala. I luzyalo lwa Leza luyo cicita eco. Ci leelede kuyo cita, ciyo tola luzyalo. Mbuli Mbwa kaambaula kuli Abrahamu, cindi Sarah naka Mu zumbauzya. Ee, mpoonya awo Na kajaya; Na kamujaya Sarah mpoonya awo ku kudonaika, nkaambo eco ncibi ciinda ciliko, nku tasyoma, alimwi cibi cilikke. Elyo waa kazumbauzya a kuseka mukati ka nguwe cindi Angelo naka muswaana mu tente. Sa mbo mbubo? Pele nkaambonzi Nca taka mujaya Sarah? Nkaambo waa kali cibeela ca Abrahamu, Na kayandika kumujaya Abrahamu, awalo. Elyo tuli cibeela ca Jesu cindi notuli mu Mubili wa Kristo. Kutasyoma kwesu kula jatilwa ikuti na twa cicita cakutaziba mbuli mbwa kacita, nkambo waa kayoowa.

<sup>137</sup> Sena mula syoma kuti cintucimwi cili mukubonekela aa cibumbili? Oh, Ndi lombozya kuti ni Nda konzya kucipandulula eci. Nde elede kunyona. Nda bona mwanakazi ujisi kubaba kwa lukanda, wa Mu guma. Kuyo kusiya, nkaambo walo Mumuni oonse ukuzungulukide. “Ikuti na mwakonzya kusyoma, zintu zyoone zilakonzeka.” Lino amusyome.

<sup>138</sup> Kutegwa mubone kuti taluli lwiyo lwa kulilemeka kwamizeezo, kubala mizeezo yanu, Njo opa sule lyangu kuli ndinywe. Ino kujatikizya atala mu cibeela eci? Eci cakacitwa lomwe mu Angeles Temple, mucizi. Mukwesu David, ula yeeya. Lino Ndili buyo . . . kutegwa mubone, Nda ambaula kuli ndinywe, eco citondezya kuti Nse jisi kukwabana a bantu okuya. Masimpe nywebo—nywebo kuni— . . . Ndi lizi mula mvwisa. Mwabona? Pele Ndi lomba luzyalo lwa Leza kucita cintucimwi eco bantu ncobanga baziba.

<sup>139</sup> Iiyi, Nda bona mwaalumi mukubusyi, musimbi mukubusyi. Walo uzwa kulaale kuzwa okuno, ta zwi mu cisi eci. Walo uzwa ku cisi eco ca mvula maningi alimwi cijisi masamu manji a mukusa, walo uzwa ku Oregon. Ujisi kuganyuka kwa kasuntu.

Uli kkede alya. Sena ula syoma kuti Jesu Kristo uyo kubamba kuba kabotu? Sena ula cizumina nkambo ka nguwe? Koimikila, mucizi. Koya ku muunzi, nkabela Nda mutapatila dyabulosi. Sena ula syoma a moyo wako oonse? Ncibotu.

<sup>140</sup> Aakati ka kazila awa, umwi ujisi lusyomo. Uta zumbauzyi. Ndila ambaula kuli nduwe, Mukwesu Schultz, kutegwa ukonzye kubona kuti Ndi kanana kuli nduwe. Ndi lekela muntu umwi awo. . . Kunyina makkaadi aa mipailo aboobo nci buyo—nci tete buyo mpawo, kutali kuleta umwi atala, pele kutegwa babone.

<sup>141</sup> Iiyi, kuli mwanakazi ulibonya kukotela, ujisi kkulenge. Waa li kweelela kuba ku cibbadela sunu. Uli kkede kumbele awa, ubaanga mwanakazi uukotede. Zina lyakwe ngu Muka Peterson. Wabona? Yaa, omulindu, koba a lusyomo muli Leza. Akube kuti Leza wa Julu ajaye dyabulosi oyo kusikila ta kabonwe akwalo kuli umwi umbi. Sena mula musyoma Mwana wa Leza? Sena mula Mu syoma a moyo wanu oonse? Amube buyo a lusyomo muli Nguwe, nku koonse nko mweelede kucita. Ncibotu.

<sup>142</sup> Nyoonse mwalibambila kusyoma ku nzila *eyi*? Andi kanane ku mukutausi oyu awa. Sena ula syoma a moyo wako oonse? Nda syoma muntuumwi okuya ulacita, awalo. Uh-humu. Kutegwa muzibe kuti Nda ambaula kuli ndinywe. Pele amubone nguzu zya Leza kazivunikila zintu zyoonse zyakuyeeya, zinjila mu muuya wa cilao. . . cilao ca muuya.


<sup>143</sup> Iiyi, kusule lyangu ngu i—i mwanakazi, alimwi tazi eelyo penzi kuli nguwe. Walo uli. . . Oh, oyo mwanakazi mucete! Waa kajisi kupandulwa komwe, kwabili, kwatatu, kwane, a kwasanu. Ta bazyi kuti ncinzi. I madokotela tabazi kuti ncinzi. Waa katumwa okuno ku Arizona kuzo lyookezya. Walo uzwa ku Louisiana, zina lyakwe ngu Muka. Pearson. Yaa, Muka. Pearson, abusena bumwi kunze lyangu, konyamuka, kondi langa. Sena ula ndisyoma kuba musinsimi wa Leza? Nse kuzyi. Ikuti na mbo mbubo, vukauzya janza lyako. Tuli—tuli beenzu kuli umwi aumwi. Eco caambwa mbwini. Sa mbo mbubo? Bamadokotela tabazi penzi kuli ndinywe. Ni nsinga zyako zyaboongo. Batama loko ncobeni, koba a lusyomo, nkabela ulaunka ku muunzi koli kabotu. Koba a lusyomo muli Leza! Sena ula syoma kuti Mwana wa Leza wakabuka alubo?

<sup>144</sup> Lino, ino kujatikizya muntuumwi mu cibeela *eci*? Nyoonse mwa libambila ku syoma kusule awa? Pat, sa uli kkomene kuti uli Munakristo? Sa tacili cibotu kuzwa mu buumi mbo kali kupona, a kuba Munakristo?

<sup>145</sup> Ngooyu mulindu. Walo mwanakazi, mwaalumi, a mwana. I mulindu uli mukukwaba Leza. Uli kusule lyangu. Elyo ujisi musyobo umwi wa penzi lya mwida, alimwi ujisi—ujisi kukompama kwamana. Ta zwi kokuno pe, kumwi, walo uzwa ku cisi cili mbuli nkanda, pele walo uzwa ku Kansas. Mulumi wakwe mukutausi. Ngo nguwe ukkede mpoonya awo. Ta ndi

kuziyi yebo. Ikuti mbo mbubo, mulindu, vukauzya maanza aako mbuli *obu*. Ncibotu, munene. Ncibotu, koya ku muunzi, kosyoma aa Mwami Jesu Kristo a kuba kabotu. Sena ulamu syoma Mwami?

<sup>146</sup> Boonse kuzunguluka buyake lino, sena mula musyoma Mwami? Masimpe, Mpali ano! Jesu Kristo, mbobuca nguwenya, sunu, amuya myaaka. I Leza nguonya wakali kukonzya kutondezya Eliya awo mwanakazi oyo mukamufu mpa kabede. I Leza nguwenya ulakonzya kundi tondezya awo mpobede, ulikkede, kopaila, nkaambo walo Muuya wa Jesu Kristo, mbobuca nguwenya, sunu, amuya myaaka. Sena mula cisyoma? Onse muntu omuno abikke maanza akwe ali umwi aumwi kuciindi Ne mupailila muli koonse, mpoonya awa, a kusyoma, kutegwa uzibe kuti ujisi cintucimwi muli ncico, umwi aumwi wanu. Muli basyomi, embo na? Ikuti na muli obo, amwaambe kuti “Ameni.” [Mbunga yaamba, “Ameni.”—Mul.] Mu Busyu bwa Leza, mu cizibyo citakakilwi ica bubuke bwa Jesu Kristo, amu bikke maanza ali umwi aumwi a kukombelana umwi aumwi.

<sup>147</sup> Taata wesu Wakujulu, Nda kupa kuli Nduwe bbunga eli lilindila. Akube kuti bantu aba boonse beempwa ku zibi zyabo bajane mbungano mbotu yamu muunzi. Akube kuti abo, Mwami, abo bacisidwe baponesegwe. Akube kuti nguzu zya Saatani zityolwe, ku maumi abo ndyoonya lino, mbuli mbo Ndi tapatila dyabulosi a kulomba kuti Nguzu zya Jesu Kristo ziyo boola aa nkamu yabantu eyi a kubweza kuciswa koonse, malwazi oonse, kupenga koonse, kuzumbauzya koonse. Kugwisye kuzwa kuli mbabo, Mwami, a ku baponya. Mu Zina Iya Jesu Kristo, Mwana wa Leza, Nda cilomba. 

60-0310 Eliya A Cipaizyo Ca Busu  
Madison Square Garden  
Phoenix, Arizona U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)